

Na osnovu člana 12. Zakona o Agenciji za privatizaciju ("Službene novine Federacije BiH," br. 18/96 i 2/02), člana 16. Statuta Agencije za privatizaciju u Federaciji BiH, a u smislu člana 3. tačka 4. Okvirnog Zakona o privatizaciji preduzeća i banaka u Bosni i Hercegovini ("Službeni glasnik BiH," br. 14/98 i 18/00), Upravni odbor Agencije za privatizaciju u Federaciji Bosne i Hercegovine na sjednici održanoj 10. septembra 2004. godine, donosi

ODLUKU

O BLOKIRANJU KORIŠTENJA OPŠTIH POTRAŽIVANJA ISKAZANIH NA JEDINSTVENIM RAČUNIMA GRAĐANA

I

U cilju sprečavanja dvostrukog korištenja opštih potraživanja/ vaučera u Federaciji Bosne i Hercegovine i u Republici Srpskoj (korištenje potraživanja po istom osnovu u oba entiteta), BLOKIRAJU se opšta potraživanja iskazana na Jedinostvenim računima građana u Federaciji Bosne i Hercegovine (u daljem tekstu: JRG) licima koja na JRG imaju iskazana opšta potraživanja, a kojima su po istom osnovu otvoreni jedinstveni privatizacioni računi u Republici Srpskoj.

Jedinstveni računi lica iz stava 1. ove tačke ostaju aktivni.

II

Za realizaciju ove odluke zadužuju se Stručne službe Agencije za privatizaciju u Federaciji Bosne i Hercegovine.

III

Stupanjem na snagu ove odluke prestaje da važi Odluka o blokiranju korištenja potraživanja iskazanih na jedinstvenim računima građana ("Službene novine Federacije BiH," broj 23/03).

IV

Ova odluka stupa na snagu narednog dana od dana objavljivanja u "Službenim novinama Federacije BiH."